

Plenchi

Bèl a bati

TRINGG TRINGGG bèlèm..... TRINGG TRINGGG bèlèm.....Nos ta subi plenchi pa último biaha e año eskolar aki. Yega yega serka pa nos disfrutá di nos Plenchi. Kontentu di por a topabu tur simanriba nos plenchi. Tabata un año eskolar fruktífero. Trabou duru, perseveransha, positivismo, trompeká i buska balansa, wak patras i dilanti, planta i kosechá. Bida i morto, sonrisa pero tambe lágrima, húbilo i desapunto, amistad nobo i amistad perdí, truinfo i derota, muhá ku sodó den calor pero tambe muhá ku awaseru, calor di solo o di tenshon. Tabata un año di hopi kolor, holó i emoshon. Nos ta yama danki pa tur trabou, sakrifisio i perseveransha pa awe nospor tin un kosecha bunita. Nos ta sera año pa nos evaluá i prepará pa un año eskolar nobo ku tur su retonan. Nos ta deklará e año binidero tambe un di kosecha abundante. Felis dianan di fakansi i nos lo topa riba nos plenchi atrobe den septemer ku poder di Tata Santu.

Riba rapòrt

Año eskolar a sera i nos tin motibu pa gradisí i selebrá. Danki pa tur nos hobennan ku a slag. Nos tabatin un resultado satisfaktorio.

Na **Havo** nos tin un total di **189** hoben ku a slaag. Esaki ta **84%**. 16% mas tantu ku año pasa.

Di e total aki, **87.5%** na Radulphus i **78.7%** na Maria Immaculata Lyceum.

Na **VWO** nos tin un total di 67 hoben ku a slaag, ku ta **84.8%**. 5 porshento menos ku año pasa. Di e total aki Raduphus tin **92.9%** i Mil 65.2%.

Na **VSBO 528** hoben a slag ku ta representá **74.3%**.

Na **SBO** nos tin un kantidat di **669** hoben a slag ku ta **77%** porshento. Nos ta masha kontentu i orguyoso ku logro di nos hobennan. Un danki na tur dosente i tim di maneho pa nan trabou inkansabel.

Un prechi

Semper na fin di aña nos tin personanan ku ta sali for di servisio despues di traha basta aña pa nos. Riba e potret nos ta mira yufrou Rosa, direktor di Maria College ku ta baha ku penshun bon meresí. Tambe yufrou Piggot, direktor di Coromoto College, ku a disidi di emigrá. Nos ke yama nan dos, tambe tur otro persona ku ta sali for di servisio, masha danki pa nan añanan di trabou i dedikashon. Bendishon riba e etapa nobo aki den bosu bida.





Not'é riba bòrchi
Algun pòtrèt di anochi di gala di entrega di diploma.









Den agènda

Fakansi grandi 9 juli t/m 14 ougustus.
Startconferentie dia 13 ougustus 2018
Prome dia di skol 15 ougustus 2018

Mucha djispou

